



Broj: 11-16.6-2780-5/15
Datum: 15.07.2015. godine

Na temelju člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), a na preporuku Komisije za javnu nabavku u skladu sa Zapisnikom o radu komisije broj: 11-16.6-2780-4/15 od 07.07.2015. godine, u postupku javne nabavke: Sveobuhvatne konsultacije o pripremi dokumentacije, procesa i zaposlenih za sertifikaciju ISO 27001 (Sistem menadžmenta bezbjednosti informacija) za cijelokupnu IT mrežu Agencije na sve tri lokacije Agencije za lijekove i medicinska sredstva BiH, direktor Agencije za lijekove i medicinska sredstva Bosne i Hercegovine d o n o s i

ODLUKU o izboru najpovoljnijeg ponuđača

Član 1.

Prihvata se preporuka Komisije za javnu nabavku u skladu sa Zapisnikom o radu komisije broj: 11-16.6-2780-4/15 od 07.07.2015 godine, te se ugovor za javnu nabavku usluga: **Sveobuhvatne konsultacije o pripremi dokumentacije, procesa i zaposlenih za sertifikaciju ISO 27001 (Sistem menadžmenta bezbjednosti informacija) za cijelokupnu IT mrežu Agencije na sve tri lokacije Agencije za lijekove i medicinska sredstva BiH,** ~~odjeljuje ponuđaču „Connexit“ d.o.o. Sarajevo, Ul. Alipašina br. 3, PDV broj: 4201217420008, za ponuđenu cijenu 78.250,00 KM bez PDV-a, odnosno 91.552,50 KM sa PDV-om, kao najbolje ocijenjenom ponuđaču.~~

Član 2.

Prijedlog ugovora o nabavki dostavit će se na potpis izabranom ponuđaču „Connexit“ d.o.o. Sarajevo, a po pribavljanju mišljenja Pravobranilaštva Bosne i Hercegovine, po proteku roka od 15 dana, računajući od dana od kada su svi ponuđači obavješteni o izboru najpovoljnije ponude.

Član 3.

Za izvršenje ove odluke zadužuje se Sektor za finanske poslove i Sektor za pravne i opšte poslove.

Član 4.

Ova odluka objavit će se na web-stranici www.almbih.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11-16.6-2780-1/15 od 05.06.2015. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 82.051,29 KM, odnosno 96.000,00 sa PDV-om.

Obavijest o nabavki broj: 5-1-2-94-3-19/15 poslata je na objavu dana 05.06.2015.godine, i isti dan objavljena je na Portalu javnih nabavki, obavijest o nabavki je objavljena u „Službenom glasniku BiH“, takođe na isti način je objavljena i Ispravka za obavještenje o nabavci dana 18.06.2015.godine.

Zahtjev za dostavu ponuda je prosljeđen sljedećim ponuđačima:

1. „Pharm – IT“ d.o.o, ul. Slobodana Kusturića br. 13, 78 000 Banja Luka, Bosna i Hercegovina
2. „Connexit“ društvo za informatički inženjering consulting i projektovanje d.o.o, ul. Alipašina br. 3, 71000 Sarajevo, Bosna i Hercegovina;
3. Efecta Plus d.o.o, Zrenjaninski put 13 D, 11000 Beograd, Republika Srbija;
4. Data Design d.o.o, Majevička 9, 81000 Podgorica, Crna Gora;
5. ~~SOD Medisoft – Medicinski softver, Kralja Alfonsa XIII, 78000 Banja Luka, Bosna i Hercegovina.~~

Ponuđači koji su osim navedenih preuzeli tendersku dokumentaciju, te potvrdili preuzimanje, sa internet stranice Agencije za lijekove i medicinska sredstva BiH su:

6. „CONSULTING OF FRIENDS“, Agencija za pružanje konsultantskih usluga, Rade Vranješević 3/V, 11 000 Beograd, Republika Srbija;
7. IKI IK-INSTALING, Gundulićeva br. 90, 78 000 Banja Luka, Bosna i Hercegovina;
8. TD Consulting d.o.o, Mostarska br. 103, Smederevo, Republika Srbija;
9. TQM d.o.o. Lukavac, Modrac bb, 75 300 Lukavac, Bosna i Hercegovina;
10. NeSeCo d.o.o, Mehmeda Spahe br. 20, 71 000 Sarajevo, Bosna i Hercegovina;
11. BH Quality d.o.o, Bosne Srebrene br. 125, 75 000 Tuzla, Bosna i Hercegovina;
12. ZIH Zavod za informatičku djelatnost Hrvatske, Trg Mažuranića 8/111, 1 000 Zagreb, Republika Hrvatska;
13. TQM KONSALTING d.o.o, Novosadskog sajma 20/2, 21 000 NOVI SAD, Republika Srbija;
14. DARKO STANOJEVIĆ, Univerzitet u Beogradu, Mašinski fakultet, 11 000 Beograd, Republika Srbija.

Komisija za javnu nabavku imenovana je Odlukom broj: 11-16.6-2780-2/15 od 05.06.2015. godine.

Komisija za javnu nabavku dostavila je dana 10.07.2015. godine Zapisnik o radu komisije broj: 11-16.6-2780-4/15 od 07.07.2015 godine, koji je ujedno i izvještaj o radu Komisije. U Zapisniku o radu komisije se nalazi i izvještaj o ocjeni ponuda sa preporukom o izboru najpovoljnijeg ponuđača, u postupku javne nabavke **Sveobuhvatne konsultacije o pripremi dokumentacije, procesa i zaposlenih za sertifikaciju ISO 27001 (Sistem menadžmenta bezbjednosti informacija) za cijelokupnu IT mrežu Agencije na sve tri lokacije Agencije za lijekove i medicinska sredstva BiH.**

Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dva,
- da su blagovremeno zaprimljene dvije ponude: „Connexit“ d.o.o. Sarajevo, i „TQM Konsalting“ d.o.o. Novi Sad,
- da je ponuda ponuđača „Connexit“ d.o.o. Sarajevo u iznosu od 78.250,00 KM bez PDV- a prihvatljiva,
- da ponuda ponuđača „TQM Konsalting“ d.o.o. Novi Sad u iznosu od 45.000,00 KM bez PDV-a nije prihvatljiva iz sljedećih razloga: pregledom dokumentacije, utvrđeno je da ponuđač „TQM Konsalting“ d.o.o. nije dostavio traženu referencu o pružanju usluge uvođenja ISO 27001 u jednoj od agencija za lijekove i medicinska sredstva iz zemalja EU ili zemalja kandidata za pristupanje EU ili potencijalnim zemljama kandidatima za pristupanje EU, a što je, shodno članu 48. stav 1) i 2) Zakona o javnim nabavkama („Službeni glasnik Bosne i Hercegovine“, broj 39/14), te član 13. stav 1) Tenderske dokumentacije neophodan dokaz.
- Na osnovu člana 3. stav (1) i (2) alineja pod c) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) u obrascu Prilog III Tenderske dokumentacije, odnosno Izjava o ispunjenosti uslova iz člana 45. i 50. Zakona, te Prilog IV Tenderske dokumentacije, odnosno Pismena izjava iz člana 52. Zakona o javnim nabavkama, pod pojmom potpis i pečat nadležnog organa, smatra se da Izjava treba biti ovjerena od nadležnog organa, opštine, suda ili notara. Ponuđač „TQM Konsalting“ d.o.o. pomenuti akt nije ovjerio kod nadležnog organa, već samo ovjerio od strane ponuđača, odnosno kandidata u otvorenom postupku. S obzirom na član 52. stav (2), a u vezi sa članom 68 stav (4) alineja pod i) Zakona o javnim nabavkama („Službeni glasnik Bosne i Hercegovine“, broj 39/14), a u vezi sa članom 14. Tenderske dokumentacije, Komisija smatra da ponuda ovog ponuđača nije kompletna.
- Komisija nadalje konstatuje da je ponuđač u postupku nastupio kao konzorcijum, odnosno grupa ponuđača, koji je sastavljen od „TQM Konsalting“ d.o.o. iz Novog Sada i „TQ Net Consuting“ iz Sarajeva. Shodno članu 62. stav (1) Zakona o javnim nabavkama („Službeni glasnik Bosne i Hercegovine“, broj 39/14), a u vezi sa tenderskom dokumentacijom član 13. stoji da svi članovi grupe moraju biti registrovani za obavljanje djelatnosti koja je predmet nabavke. U sklopu ponude dostavljen je izvod o registraciji privrednog subjekta „TQM Konsalting“ d.o.o. iz

Novog Sada, dok podataka o „TQ Net Consulting“ iz Sarajeva nema koji ukazuje na obavljanje djelatnosti koja je predmet nabavke.

- „TQM Konsalting“ d.o.o. iz Novog Sada nije dostavio kopiju ponude, odnosno iskopirao je samo Prilog II tenderske dokumentacije i uvezao u sklopu originalne ponude na stranicama od 25 do 29 originalne ponude, te shodno članu 57. stav (1) Zakona o javnim nabavkama („Službeni glasnik Bosne i Hercegovine“, broj 39/14), te tačkom 16. Tenderske dokumentacije broj 11-16.6-2780-3/15 od 5.6.2015. Komisija je konstatovala da ponuđač nije dostavio formalno potpunu dokumentaciju.
- Ponuđač „TQM Konsalting“ d.o.o. iz Novog Sada je u sklopu Prilog II Tenderske dokumentacije na strani 6 ponude izjavio da se na njegovu ponudu ne može primjeniti preferencijalni faktor domaćeg.
- Pregledom ponude ponuđača „Connexit“ d.o.o, Sarajevo utvrđeno je da je ponuđač ispunio minimum kvalifikacionih uslova zahtjevanih tenderskom dokumentacijom.
- „Connexit“ društvo za informatički inženjering consulting i projektovanje d.o.o, Sarajevo je dostavilo potvrdu Vanjskotrgovinske komore BiH na strani 115 ponude, gdje se navodi da ima preferencijalni tretman BiH porijekla. Shodno članu 67. Zakona o javnim nabavkama („Službeni glasnik Bosne i Hercegovine“, broj 39/14), a u vezi sa članom 1. stav (1) alineja pod b) Odluke o obaveznoj primjeni preferencijalnog tretmana domaćeg („Službeni glasnik Bosne i Hercegovine“, broj 103/14) navodi se da prilikom obračuna cijena ponuda, u svrhu poredbe ponuda, umanjiti cijene domaćih ponuda za preferencijalni faktor od 15% za ugovore koji se dodjeljuju u 2015. i 2016. godini.

U postupku donošenja ove odluke, posebno su cijenjene činjenice da je Komisija za javne nabavke, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač „Connexit“ d.o.o Sarajevo je izabran primjenom kriterija najniže cijene, kako slijedi:

RANG-LISTA OCIJENJENIH PONUDA

Red. Broj	Naziv ponuđača	bez PDV-a (KM)	Sa PDV-om (KM)	Broj bodova
	Najpovoljniji uslovi	78.250,00	91.552,50	100,00
1	„Connexit“ d.o.o.	78.250,00	91.552,50	100,00

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu.


POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

1. Ponuđačima,
2. Komisiji za javne nabavke,
3. Sektoru za pravne poslove i opšte poslove,
4. Sektoru za finansijske poslove,
5. web-stranica,
6. a/a.

DIREKTOR



Prim. mr.ph. Nataša Grubiša, spec.

Veljka Mladenovića bb, 78000 Banja Luka
Centrala: +387 51 456 040; 456 050
Faks: +387 51 450 30
E-mail: info@almbih.gov.ba
www.almbih.gov.ba

Вељка Млађеновића бб, 78000 Бања Лука
Централа: +387 51 456 040; 456 050
Факс: +387 51 450 30
E-mail: info@almbih.gov.ba
www.almbih.gov.ba